



ԲԱՐՁՐԱԴՈՅՆ ՀՐՈՎԱՐՏԱԿ

Ողորմութեամբն Աստուծոյ Մենք, նիկողայ Երկրորդ, Կայսր և Ինքնակալ Համայն Ռուսիոյ, Թագաւոր Լեհաստանի, Մեծ Իշխան Ֆինլանդիայի և այլն և այլն և այլն. Յայտարարում ենք Մեր բոլոր հաւատարիմ հպատակներին: Աստուածային Նախախնամութեան հաճութեամբ, քարձրանալով Մեր նախահայրերի դահլը, Մենք սրբազան ուխտ արինք Ամենաբարձրեալի և Մեր խղճի առաջ՝ Ռուսիոյ պետութեան դարաւոր հիմունքները սրբութեամբ պահպանելու և Մեր կեանքը սիրեցեալ հայրենիքի ծառայութեան նուիրելու:

Մեր հպատակների մասին ունեցած անդուլ հոգացողութեանց մէջ, Մենք ժողովրդի բարեկեցութեան իրագործման միջոցները ձեռք ենք բերել Մեր Ինքնակալ նախորդների, և ամենից առաջ Մեր անմոռանալի Ծնողի յաւերժ յիշատակութեան արժանի խոհուն գործերի հետեւողութեամբ:

Ամենակալ Աստուծուն հաճելի էր, Իւր անհասանելի կամքով, ընդհատել վաղաժամ մահով Մեր սիրեցեալ Ծնողի պետական աշխատանքները և դրանով Մեզ վրայ սրբազան պարտականութիւն դնել, լրացնելու Ռուսաց Երկրում կարգն ու արդարութիւնն և ամրացնելու նրա սկսած գործը, համապատասխան ժողովրդի կեանքի մէջ ստեղծուող պահանջներին:

Ի մեծ վիշտ Մեր, այն խառնակութիւնը, որ սերմանուած է մասամբ պետական կարգ ու կանոնին թշնամական միտումներով, մասամբ էլ ռուսական կեանքին

օտար սկզբունքներից յափշտակուելով, արգելք է հանդի-
 սանում այն ընդհանուր աշխատանքին, որ ուղղուած է գէպի
 ժողովրդի կեանքի բարօրութեան և բարելաւման գործը:
 Այդ խառնակութիւնը, յուղելով մաքերը, շեղում է նը-
 րանց արդիւնաւէտ գործից և յաճախ կորստի է մատ-
 նում Մեր սրտին սիրելի և իրենց ծնողներին ու հայրե-
 նիքին անհրաժեշտ երիտասարդ ոյժերը: Պահանջելով Մեր
 բոլոր, ինչպէս բարձրաստիճան, այնպէս և ստորին կա-
 մակատարներից, որ հաստատուն կերպով դիմադրեն ժո-
 ղովրդական կեանքի կանոնաւոր ընթացքի ամէն մի խան-
 դարման, և յուսալով, որ ամէնքը և իւրաքանչիւր ոք ազ-
 նուաբար կկատարեն իրենց ծառայական պարտքը, Մենք՝
 անյողգողգ վճռականութեամբ, անյապաղ դռհացումն տա-
 լու պետութեան հասունացած կարիքներին, բարւոք հա-
 մարեցինք, որ հաւատոյ գործերի հետ առնչութիւն ու-
 նեցող իշխանութիւններն աննկուն կերպով պահպանեն
 Ռուսաց կայսրութեան հիմնական օրէնքների մէջ գրուած
 համբերատարութեան սկզբունքները, որոնք, ջերմեռան-
 դութեամբ պաշտելով ուղղափառ եկեղեցին, իբրև նա-
 խամեծար և տիրող եկեղեցի, Մեր բոլոր այլակրօն և այ-
 լադաւան հպատակներին ազատութիւն են տալիս դաւա-
 նելու իրենց կրօնը և կատարելու իրենց ծէսերն ըստ
 իրենց կրօնի, շարունակեն եռանդուն կերպով գործադրել
 այն միջոցները, որոնք ուղղուած են գիւղական ուղղա-
 փառ հոգևորականութեան նիւթական վիճակը բարելա-
 ւելուն, ուժեղացնելով սրբակրօն պաշտօնեաների իրենց
 հօտի հոգևոր և հասարակական կեանքի մէջ ունեցած
 արդիւնաւէտ մասնակցութիւնը, ժողովրդական տնտե-
 սութեան գործերի զօրացման վերաբերմամբ եղած խըն-
 դիրներին համապատասխան կերպով առաջ տանեն պե-
 տական վարկի հաստատութիւնների, մանաւանդ ազնուա-
 կանների և գիւղական բանկերի գործունէութիւնը, որ-
 պէս զի աւելի ուժեղ կերպով ամրապնդուի և զարգանայ
 Ռուսաց գիւղական կեանքի հիմնական տարրերի—տեղա-
 կան ազնուականութեան և գիւղացիների՝ բարօրութիւնը:

գիւղական վիճակին վերաբերեալ օրէնսդրութեան վերա-
քննութեան մասին Մեր ծրագրած աշխատանքները, Մեր
ցոյց տուած կարգով կանխօրէն կատարելուց յետոյ, ու-
ղարկեն նահանգական խորհուրդներին՝ մշակելու համար
այդ աշխատանքները տեղական առանձնայատկութիւն-
ների համաձայն, հասարակութեան վստահութիւնը վայե-
լող արժանաւորագոյն գործիչների մասնակցութեամբ. այս
աշխատանքներին իբրեւ հիմք դնեն գիւղական հողատի-
րութեան համայնական կազմի անձեռնմխելիութիւնը, մի-
ևնոյն ժամանակ միջոցներ որոնելով գիւրացնելու համար
առանձին գիւղացիների համայնքից դուրս գալը. անյա-
պաղ միջոցներ ձեռք առնեն վերացնելու գիւղացիներին
ճշդով խօսադարձ երաշխաւորութիւնը. վերակազմեն նա-
հանգական և գաւառական վարչութիւնները, որպէս ղե-
գեմատվային կեանքի բազմապիսի կարիքներին անմիջա-
պէս գոհացումն տալու միջոցները ուժեղացունին տեղա-
կան գործողների աշխատանքներով, որոնց պիտի ղեկա-
վարէ զօրեղ և օրինաճանաչ իշխանութիւնը՝ խիստ պա-
տասխանատու լինելով Մեր առաջ. տեղական կենցաղը
կանոնաւորելու համար նպատակ դնեն հասարակական
վարչութեան մերձեցումը ուղղափառ եկեղեցիներին կից
գտնուած ծխական հոգաբարձութիւնների գործունէու-
թեանն՝ այնտեղ, ուր այդ կարելի է:

Կոչումն անելով Մեր բոլոր հաւատարիմ հպատակ-
ներին նպաստել Մեզ՝ ընտանիքի, ուսումնարանի և հա-
սարակական կեանքի մէջ հաստատելու բարոյական հի-
մունքներ, որոնցով միայն, Միահեծան իշխանութեան
հովանու տակ, կարող են զարգանալ ժողովրդի բարօրու-
թիւնը և իւրաքանչիւրի վստահութիւնն իւր իրաւունք-
ների ամրութեան վերաբերմամբ, Մենք հրամայում ենք
Մեր նախարարներին և առանձին մասի կառավարիչնե-
րին, որոնց իրաւասութեանը վերաբերում է այս, ներկա-
յացնել Մեզ իրենց գիտողութիւնները Մեր ծրագրների
կատարման կարգի մասին:

Ամենակալ Տէրը թո՛ղ օրհնէ Մեր Արքայական աշ-

խատանքը, և թող օգնէ նա Մեզ՝ հայրենիքի բոլոր հաւատարիմ՝ զաւակների սերտ միութեամբ կատարելու Մեր խորհուրդները՝ պետական կարգը կատարելագործելու, սահմանելով տեղական կեանքի հաստատուն կազմ, իբրև գլխաւոր պայման Մեր պետութիւնը ծաղկեցնելու՝ հաւատոյ, օրէնքի և իշխանութեան ամուր հիմքերի վերայ:

Տրուած է Ս. Պետերբուրգում, փետրուարի 26-րդ օրը, Քրիստոսի ծննդեան հազար ինն հարիւր երեք թուին, Մեր թագաւորութեան իններորդ տարում:

Իսկականի վրայ նորին Կայսերական Մեծութեան սեփական ձեռքով ստորագրուած է՝ ՆԻԿՈԼԱՅ:



Պ Ա Շ Տ Օ Ն Ա Կ Ա Ն Ք

ՄԿՐՏԻՉ ԺԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍԱՆՆԵՐԻ ԿԱՄՕԲՆ ԱՍՏՈՒԾՈՅ ԵԱՐԻՍԿՈՎՈՒԱԿԵՏ ԵՒ ԿԱՔՈՒՂԻԿՈՍ ԱՄԷՆԱՅԻՆ ՀԱՅՈԳ ԾԱՅՐԱԳՈՅԻՆ ՊԱՏՐԻԱՐԽ ՀԱՄԱԳԳԱԿԱՆ ՆԱԽԱՄԵԾԱՐ ԱՔՈՐՈՅ ԱՐԱՐԱՏԵԱՆ ԱՌԱՖԵԼԱԿԱՆ ՄԱՅՐ ԵԿԵՂԵՑՈՅ ՄՐԲՈՅ ԿԱՔՈՒՂԻԿԷ ԷՋՄԻԱԾՆԻ

Գերաշնորհ Տ. Գէորգ Եպիսկոպոսի, Առաջնորդի վիճակին Եւրօպիոյ, հոգևոր որդւոյ Մերոյ և հարազատի Մայր Աթոռոյս, Հայրապետական ողջունիւ յայտ առնելք:

Տ. Թագէոս Քահանայ Փափազեան, բնիկ Ղընճըլարցի, նախկին պաշտօնեայ ս. եկեղեցւոյն Աղէքսանդրիոյ, զորոյ զգայթակղեցուցիչ վարուց և զանուղղայ բնթացից ի վաղ ժամանակաց հասեալ էին Մեզ տեղեկութիւնք՝ տակաւին ի 1884—85 ամաց հետէ, մինչդեռ գտանէր ի Տարտանել և